

trouva dormans : disant , qu'ils veillassent avec luy , et que son âme estoit triste jusques à la mort : au mesme jardin est le lieu , auquel on descend par quatre degrés , qu'est là où il fut prins et lié : ce jardin n'est maintenant qu'un champ , non fermé de murailles , où l'on faict de bled : il y a quantité d'olives : et sont tous ces lieux sainets ramarquez (sic) à cause des ruynes des Eglises , qui y furent autresfoys basties par Sainte Helene , mere de Constantin : aucunes desquelles sont encores en leur entier : sans laquelle il faut croire qu'il ne s'y cognoistroit aucunes vestiges : mais quelque temps aprez la mort de Jesus Christ , elle passa en terre Sainte , où elle fit edifier plus de deux cents Eglises. savoir en tous les endroits où il avoit esté faict quelque mystere et miracle par Jesus Christ : vis à vis de ce lieu est la porte dorée , par laquelle il fit son entrée sur l'asne. Partant de là à main droite se voit un grand et illustre antre , consacré d'oraisons , et du sang de nostre Seigneur. C'est là où il fut en angoisse , et où il sua sang et eauë , l'Ange le consolant , et fortifiant. Il y a une colonne au coing , qui a esté mise pour cognoistre la distance qu'il y avoit entre Jesus Christ priant , et l'Ange le confortant. Sortant dudict antre , proche de là , l'on entre en une belle et grande Eglise , decorée du sepulchre de la Vierge Marie , de Joseph son espoux , Joachin , et Anne ses pere et mere : en laquelle se descend par quarante beaux degrez , au milieu de laquelle est ledict sepulchre , circui de lampes tousjours ardentes , duquel les Mores ont la clef , partant leur faut donner quelque medain pour y entrer ; et à quarante pas de là , vers Orient , sortant de la dicté Eglise , est le lieu où l'on tient que nostre Dame laissa sa ceinture à Saint Thomas lors de son Assomption , auquel lieu y souloit avoir une Eglise , maintenant du tout ruynée : et encores à cinquante pas sur le chemin , tirant vers la porte , est le lieu , où Saint Estienne premier martyr fut lapidé. En memoire dequoy la porte de la ville , qui est là prez , en retient encores le nom. On dict aussi , que là joignant estoit nostre Dame , qui le consolait lors qu'on le lapidoit. »

Ces longues citations pourront donner une idée assez complète de la manière si naïve de conter de notre voyageur. Si